

A pidi castigo di 347 dia condicional pa abuso cometí cu muchanan di 5 y 9 año

Hoben mester bay bou tratamiento

ORANJESTAD — Diahuebs Corte a trata un caso penal contra un mucha homber di 17 año kende a wordo acusa di comete actonan di inmoralidad y sexual cu dos mucha homber menor di edad, esta di 5 y 9 año.

Acusacionnan cu Fiscal a bisa Huez tabata legalmente proba y Corte a bay di acuerdo tambe cu e demanda di Ministerio Publico. E acusacion contra e mucha homber aki tabata cu den e periodo di 1 October 2008 y 31 di Januari 2009, el a abusa di dos mucha homber, un di 5 año y e otro di 9 año.

Ayera caba Bon Dia Aruba a trece e prome parti caminda e caso a wordo repasa door di Huez. Awe nos ta trece e parti di fiscal su rekisitorio.

Fiscal ta haya cu tin suficiente indicacion cu e sospechoso ta culpable. E ta kere mas loke e muchanan a declara cu loke e sospechoso a declara. E ta kere tambe cu e sospechoso lo a bisa e muchanan cu si nan papia e lo dal nan. Door cu e muchanan ta chikito nan ta tuma esaki hopi na serio. Fiscal a bisa cu e no ta kere cu e muchanan lo bay inventa algo asina. Fiscal ta haya cu ta un hecho cu tabatin penetracion y no manera e sospechoso ta bisa. E ta haya cu aki ta trata di un caso hopi serio y a adverti cu pa casonan asina tin castigo te cu 12 año di prison. El a muestra cu abogado di e victimanan a manda carta pa Fiscal y pidi pa pone hopi atencion riba e consecuencia cu e muchanan a sufrí. Nan a keda afecta y mester haya tratamento pa e trauma cu nan a sufrí. Fiscal ta haya cu pa e mayornan di e victimanan esaki ta un sla hopi duro.

E ta haya cu mester impone un castigo severo pasobra no por tolera loke a sosode. El a tene cuenta cu ora ta trata di hubentud, e castigo ta bira otro. Fiscal a tene cuenta tambe cu e raport di Reclasing riba e sospechoso. Segun Fiscal, normalmente pa casonan di inmoralidad ta cuminsa na exigí 18 luna di prison. Pero teniendo cuenta cu tur cos den e caso aki, e no ta

haya cu e sospechoso lo mester bolbe KIA.

Fiscal a exigí 365 dia di prison, kitando e 18 dianan cu e sospechoso tabata sera y cu un tempo di prueba di 2 año. Ademas Fiscal a exigí pa e sospechoso traha 240 ora di servicio comunitario bou guia di Reclasing. E condicion special ta cu e sospechoso mester keda bou guia di Reclasing y si ta necesario bou guia di psicologo. Fiscal a termina na bisa cu esaki ta un caso hopi fastioso tanto pa e victimanan y nan famianan como e famianan di e sospechoso.

SOSPECHOSO TAMBE TA VICTIMA

Abogado di e sospechoso a bisa Hues cu su cliente a admiti di a pone su parti intimo na atras di e dos muchanan. El a desmenti di a penetra e muchanan y tampoco di a menaza e muchanan.

Segun e abogado, Polis no a haci investigacion na cas di e victimanan. Tabata sospecha cu e abuelo di e muchanan lo por a penetra nan. Por bien ta cu ta e abuelo a penetra e muchanan. Pesey e abogado ta haya cu mester declara e sospechoso liber di e prome acusacion. E raport medico ta indica penetracion pero no por prueba cu ta e sospechoso ta esun. E abogado a bisa Hues cu e sospechoso mes ta victima di penetracion den pasado. Psicologo no por a saca afo kico a pone cu e sospechoso a haci algo asina. El a pidi Hues pa tene cuenta cu loke raport di psicologo ta bisa di e sospechoso. El a bisa tambe cu e sospechoso ta dispuesto sigui tratamento. Na dado momento e sospechoso a haya oportunidad di ultimo palabra y na yoramento el a pidi Hues pordon.

SENTENCIA

Hues a sera tratamento di e caso y a dicta sentencia di biaha. El a muestra cu un mucha a declara cu e sospechoso a penetr'e. E sospechoso mes a declara di a pone su penus na atras di e muchanan. Si mira loke dokter a constata, esaki ta cuadra cu loke e mucha a declara. No tin

ningun motibo pa duda. Hues ta haya legalmente proba cu e sospechoso a penetra un mucha diferente biaha. E otro mucha a bisa cu e sospechoso a pone su parti intimo na su atras y Hues ta haya cu esaki ta cuadra na loke e sospechoso mes a bisa. Hues a bisa cu e ta comparti e punto di bista di Fiscal cu e inmoralidad cu un mucha ta proba. El a sigui bisa cu den castigo di un caso penal ta haci separacion pa menor di edad y hende adulto. Esaki pasobra un menor di edad ta den desaroyo. E punto di salida ta cu pa un menor di edad sinti cu loke el a haci no ta bon pero primordialmente e meta ta pa trece e menor di edad riba e bon caminda. Hues ta haya cu mester tene bon cuenta cu e punto aki. No mester kita for di bista cu aki ta trata di un caso hopi serio

caminda a tene relacion sexual cu un mucha di 5 año y a mishi cu un mucha di 9 año, kendenan ta keda afecta. Esun di 5 año mester di tratamento di psicologo. Hues ta tuma e sospechoso na malo pa esaki. El a expresa, con den number di Dios, e sospechoso a bay haci algo asina, no tin claridad. Hues a muestra cu pa mayornan di e victimanan esaki ta un di e cosnan di mas malo cu por sosode cu nan yiu. Ta pesey e mayornan a expresa cu mester impone castigo pisa pa e sospechoso. Hues a remarca cu e mayornan a bay den prensa pa expresa esaki pero casonan asina ta wordo atendi den Corte y no den prensa. Esaki tin consecuencia pa tur hende. Pa e victimanan, pa mayornan di e victimanan, pa e sospechoso y famianan di

e sospechoso. Ora di impone castigo mester tene cuenta cu circunstancianan personal y por constata cu psicologo a constata cu e sospechoso mester di tratamento urgente. E actitud di e sospechoso den Corte ta muestra claramente cu e kier ayudo. Normalmente den casonan asina ta impone castigo pisa pero den e caso aki teniendo cuenta cu tur circunstancia, Hues ta bay di acuerdo cu e exigencia di Fiscal. Hues a pone enfasis cu e sospechoso mester sigui guia di Reclasing y si mester sigui tratamento di psicologo. Loke Hues a pone serca ta cu si e sospechoso no traha e 240 ora di trabou e lo mester bay sera pa 126 dia sera. El a bisa e sospechoso cu despues di school e lo mester bay traha pa comunidad.



Now Available in Aruba

For orders and/or information contact

Brouwerij Nacional Balashi @ 585-4805

WG+
Finance
Professionals

WG Plus a muda

Avenida Milio J. Croes 106, Lokaal #8

Tel: 5828439 Fax: 5828445

Email: wgplus@setarnet.aw